

Edizione diplomatica

[c. 157 r.]

Image not found https://letteraturaeuropea.let.uniroma1.it/sites/default/files/export_95.jpg
li chastel(ains). La doce voiz del rosignol sauuaige. coi nuit (et) ior cointoier (et) tentin. ma doucist si le cuer (et) rassouaige. cor oi talent ke chant por esbau - dir. bien doi chanter puis kil vient aplainir. celi qui iai fait de cuer lige homaige. Si doi auoir grant ioie ensmon coraige. sele me velt ason oes Onques vers li noi faus cuer ne volaige. si men deuroit por tant miex auenir. ains laím (et) serf (et) auour par vsaige retenir. mais ne li os mon penser descourir. car sa beautes me fait si es -
Image not found https://letteraturaeuropea.let.uniroma1.it/sites/default/files/export%20%281%29_73.jpg
bahir. ke ie ne sai deuant li nul langaige. nis regarder nos som simple tant en redouc mes iex au departir. Tant ai ens li ferm asis mon coraige. kaillors ne pens (et) diex men laist ioir. conques tristrans cil ki but le beuraige. plus loiaument nama sans repentir. car gi met tout cuer (et) cors (et) desir. forche (et) pooir ne sai se faic folaige. encoir me douc q(ue) trestot mon eaige. ne puisse asses li (et) samor seruir. Ie ne di pas ke iou faice folaige. encoir me douc ke trestot mon eaige. ne puisse asses li (et) samor
Image not found https://letteraturaeuropea.let.uniroma1.it/sites/default/files/export%20%282%29_65.jpg
seruir. Ie ne di pas ke iou faice folaige. nis se por li me deuoie me deuoie morir. kel mont ne truis tant belle ne si saige. ne nule riens nest tant a mon desir. molt aim mes iex ki me firent coisir. lues ke la vi li laissai en ostaige. mon cuer ki puis iafait lonc estaige. ne iamais iour ne len quier departir. Chancon va tent por faire mon messaige la ou ie nos trestorner ne guencir. car tant redoc la fole gent om -

[c. 157 v.]

Image not found https://letteraturaeuropea.let.uniroma1.it/sites/default/files/export%20%283%29_45.jpg
--

ombrage. qui deuinent ains ke puist auenir. les biens damors diex les puist
maleir. amaint amant ont fait ire (et) damage. mais iai de cou molt cruel
auantaige. Si les mestuet sos mon pois obeir.

- letto 643 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1205>